

SOL DI PUEBLO

BRIYANDO FUERTE • TRECIENDO CLARIDAD



**PUEBLO
DI ARUBA
MESTER SA
E BERDAD
TOCANTE HOFA**

**HOMBER CU A DROGA Y VIOLA
MUCHA MUHER DI 15 AÑA
CONDENA NA 4 AÑA DI PRISON**



**Eduard Pieters (PPA):
“ORA E LIDERNAN NO
PROTEHA PAIS, PUEBLO
TA HACI ESEY NAN MES”**

A.T.A. TA ANUNCIA E TERCER EDICION DI AUTENTICO ARUBA CULINARY FESTIVAL



Aruba Tourism
Authority

Aruba Tourism Authority (A.T.A.) ta anuncia oficialmente e tercer edicion di Autentico Aruba Culinary Festival, cu lo inicia 3 di october. E festival principal, esta The Pavilion, lo tuma luga oficialmente dia 10 y 11 di october. Despues di dos edicion exitoso, Autentico ta bolbe como un festival cu ta celebra e rikesa di nos herencia culinario y e diversidad cultural cu ta forma y haci Aruba unico.

Autentico Aruba Culinary Festival a wordo crea pa honra e cultura di culinario di nos isla como un expresion di identidad. Aruba su cushina ta wordo influencia pa mas di 100 nacionalidad, y cada plato ta representa un historia di tradicion, creatividad y comunidad. For di recetanen di famia cu a wordo pasa di generacion pa generacion te na creacionnan innovador di chefnan nobo, Autentico ta reuni tur esaki den un experiencia culinario comparti.

Mas cu un festival di cuminda, Autentico ta un plataforma di conexon. E ta reuni chefnan local, talento culinario internacional, studiantenan culinario, restaurantnan, comunidad y bishitantenan pa celebra loke ta haci e escena gastronomico di Aruba unico. Pa medio di cuminda, e festival ta muestra con cultura, historia y innovacion ta bini hunto, y ta fortalece e posicion di Aruba como un destino cu experiencia autentico.

E tercer edicion di Autentico lo enfoca un biaha mas riba diferente eventonan manera 'Bucket List Experiences', 'Restaurant Week' y 'The Pavilion' e centro culinario vibrante, invitando localnan y bishitantenan pa disfruta di e sabor, diversidad y creatividad cu

ta defini Aruba.

Pa mas informacion bishita e website di Autentico www.autenticofestival.com of sigui @autenticoaruba riba medianan social.

M.J.C TROMP NOTARIS

Santa Cruz 35 • Santa Cruz, Aruba
☎ +297 585 3500 | +297 585 7900
✉ info@notaristromp.com

Op **donderdag 4 juni 2026** des namiddag om 14.00 uur, zal in de vergaderzaal van de "Aruba Surfside Marina", L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- het recht van erfpacht tot 19 november 2051 op een perceel domeingrond, groot 646 m², gelegen te Mabon in het Vierde District van Aruba, (kadastrale indeling: 4-E-22), nader omschreven in **kadastrale meetbrief nummer 82 van vier juli negentienhonderd een en negentig**, met het daarop gebouwde, plaatselijk bekend als "**Mabon 9-F**".

Inzetsprijs: Afl. 277.000, ==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp
Santa Cruz 35
Tel: 5853500/5857900
Whatsapp: (297) 6997245
Fax: 5854222
Email: veiling@notaristromp.com / auction@notaristromp.com
Visit: Arubanotary.com

Eduard Pieters (PPA):

“ORA E LIDERNAN NO PROTEHA PAIS, PUEBLO TA HACI ESEY NAN MES”



Tin momentonan den historia politico di Aruba, unda silencio ta bira complicidad. Pa fraccion di PPA, e declaracion reciente di staatssecretaris Eric van der Burg na Hulanda ta precisamente un di e momentonan ey. Segun parlamentario Eduard Pieters, e declaracion no solamente a confirma cu Rijkswet HOFA ta sigui avansa den Reino Hulandes, pero tambe a revela algo hopi mas grave: cu gobierno di Aruba a permiti un proceso sin consenso democratico, sin sosten amplio y posibelmente pafor di e cuadro constitucional. Cua consenso?

Segun Van der Burg, tin consenso pasobra minister plenipotenciario Schwengle a presenta e Rijkswet HOFA den Rijksministerraad y eyden nan a yega na un consenso pa e proceso por sigui pa Raad van Staten. Pero pa PPA, e declaracion aki ta un choke frontal cu realidad politico y constitucional di Aruba. “Cua consenso?” Pieters ta puntra. “Ningun momento Parlamento di Aruba a aproba Rijkswet HOFA ni a duna instruccion formal na

gobierno pa manda e ley aki pa Rijksministerraad, cu ta impugna cu palabracionnan haci den IPKO na 2022.”

Segun Pieters, esaki ta e punto central cu gobierno ta evitando. Parlamento, como representante directo di pueblo, nunca a vota ni aproba e proceso. Sin e stap democratico ey, PPA ta argumenta cu no tin legitimidad constitucional y sosten amplio pa bisa cu Aruba a duna consenso.

Raad van Advies a yama e proceso aki uno preocupante

Pieters a pone enfasis riba e conseho devastador di Raad van Advies, cu a critica fuertemente e manera cu gobierno a maneha e proceso. Segun Raad van Advies, gobierno no a warda pa e instituto constitucional ey duna conseho y a manda e ley pa Rijksministerraad sin conseho previo.

Pero e critica mas fuerte tabata riba e principio di “Nemo-plus-beginsel”, unda Raad van Advies a indica cu un minister tin autoridad defini den Constitucion, pero no por crea autoridad adicional pa su mes fuera di e

cuadro constitucional y aplica condicionnan mara na un ley.

“Pues kico nos ta mira awe?” Pieters a cuestiona. “Un gobierno cu ta bypass Parlamento, bypass Raad van Advies y tuma poder cu no ta ancla den nos Constitucion.” Pueblo ya a bisa no

Pa PPA, e declaracion di Van der Burg ta crea un percepcion falso cu Aruba ya a acepta HOFA. Pero Pieters ta enfatisa cu realidad social y politico ta exactamente contrario.

“Tin mas di 10 mil firma contra Rijkswet HOFA. Tin 13 sindicato cu a declara publicamente cu e ley aki ta contra nos Constitucion. Nos tin un pueblo cu claramente no ta di acuerdo.” Segun Pieters, e resistencia contra HOFA a pasa color politico caba. “Tin hende di tur partido politico cu ta acerca PPA pa bisa claramente cu nan no kier Aruba entrega su autonomia.” Status Aparte no ta negociabel. Un di e puntonan cu mas a preocupa PPA tabata e declaracion di Van der Burg cu via HOFA, e paisnan dentro di Reino porfin lo keda “igual”. Pa Pieters, esaki ta un menaza directo na Status Aparte di Aruba.

“For di 1940 nos pueblo a lucha pa

mas autonomia y na 1986 Aruba a logra Status Aparte y bira un pais den Reino Hulandes banda di Antiya y Hulanda. Awor no por bin cambia esey via un rijkswet, sin sigui e proceduranan cu nos Statuto y Constitucion ta exige.”

Pieters a recorda cu articulo 55 di Statuto ta exige un proceso hopi mas riguroso pa cambia posicion constitucional di Aruba, incluyendo dos lectura parlamentario y un mayoría di dos tercera parti pa aproba e cambio. “No ta algo cu por pasa scondi den un oficina na Den Haag,” el a declara.

E pueblo lo tuma posicion

Den su mensahe final, Pieters a lansa un advertencia politico fuerte tanto na gobierno di Aruba como na Reino Hulandes. “Nos no ta papia di un ley financiero solamente. Nos ta papia di autonomia, di democracia y di respet pa nos Constitucion.”

Segun PPA, si gobierno y Parlamento sigui ignora e preocupacionnan constitucional y social rond di HOFA, pueblo mes lo tuma su posicion. “Historia di Aruba a muestra un cos cla,” Pieters a conclui. “Ora e lidernan no proteha pais, pueblo ta haci esey nan mes.”

Clasificados



SOLODIPUEBLO@GMAIL.COM
CEL. 585 9500





Noticiadi Corte

HOMBER CU A DROGA Y VIOLA MUCHA MUHER DI 15 AÑA CONDENA NA 4 AÑA DI PRISON

ORANJESTAD –Awe mainta e homber S. (32) a presenta dilanti Hues pa scucha su sentencia di e caso penal cu Ministerio Publico a cuminsa contra dje.

SOLO DI PUEBLO por a compronde cu Fiscal a existi 4 aña y 6 luna di prison pero Hues a baha e castigo pa asina haci posibel cu S. ta bay haya guia di Reclasing.

FISCAL A EXIGI 4 AÑA Y 6 LUNA DI PRISON

Tres siman pasa tratamento di e caso a tuma lugar caminda S. ta wordo acusa cu el a droga y viola un dama hoben M. (15) y a haci actonan inmorales cu M. Esaki a sosode dia 27 Februari 2025.

Fiscal a bisa Hues cu M. a bisa cu e homber S. tabata dun'e bebida alcoholico cada rato. Despues ora a baha e otro homber S. na cas, S. a sigui dun'e bebida y el a haya un blackout. Ora el a spierta e tabata den un apartamento y a sinti dolor pasobra S. tabata penetr'e cu su dede. Segun M., el a lucha cu S. y a sufri un herida na su pia. Fiscal ta haya e declaracion di M. confiabel. El a bisa Hues cu S. a admiti di tabatin relacion sexual cu M. Fiscal a muestra cu e otro homber S. a bisa cu S. a compra un boter di bebida fuerte pa nan bebe. Fiscal ta haya cu tin suficiente prueba di sosten. El a muestra tambe cu na Insam a haci investigacion cu ta muestra cu M. a wordo viola. Fiscal a muestra cu S. mes a bisa cu ora e tabatin relacion cu M., M. a cuminsa yora. Fiscal ta haya S. culpabel di violacion y actonan inmorales. E ta haya cu S. a droga M. pa asina abusa di dje. Fiscal a remarca cu apesar cu e otro homber S. a bisa S. cu M. tin 15 aña, S. a planea pa duna M. bebida pa asina abusa di dje. Fiscal ta haya cu S. a tacha e integridad di M. Fiscal a existi 54 luna (4 aña y 6 luna) di prison di cual 6 luna ta condicional cu 3 aña di prueba.

CULPABEL DI DROGA Y VIOLA MUCHA

Awe mainta, Hues a bisa cu e ta haya legalmente

proba cu dia 27 Februari 2025, S. a viola e mucha muher M. (15), a haci actonan inmorales cun'e y a droga e.

Hues a bisa cu e mucha muher M. a bisa Polis cu el a haya alcohol bebe for di S. y a haya blackout. Ora el a spierta el a hay'e den un cuarto y cu S. a penetr'e. Despues S. a hiba M. su cas.

M. a bay Insam na San Nicolas y dokter a constata cu M. tabata yora y tabatin herida na su rudia. M. a bisa cu el a haya esey door di a lucha cu S.

Hues a bisa cu S. a penetra cu dede y tene relacion sexual cu e mucha M. El a muestra cu S. mes a bisa cu e tabatin relacion sexual cu M.

CONDENA DI 4 AÑA DI PRISON

Pa cu e castigo, Hues a bisa cu e ta tene cuenta cu S. a duna e mucha alcohol bebe y ora e mucha a haya blackout, a tene relacion cun'e.

Hues a bisa cu S. a tacha integridad di e mucha. Esaki lo afecta e mucha pa hopi tempo.

Hues a remarca cu no ta promer biaha cu S. ta cay den man di husticia pa algo asina.

Hues a bisa cu e ta tene cuenta cu e raport di Reclasing, cu ta haya cu S. mester haya guia pa loke el a haci. Hues a splica cu segun ley, e castigo existi pa Fiscal, 4 aña y 6 luna di prison, no ta duna lugar pa S. por haya e guia di Reclasing.

Pesey Hues a dicidi di condena S. na un castigo caminda si ta crea lugar pa Reclasing por atende cu S.

Hues a condena S. na 4 aña di prison di cual 6 luna ta condicional cu 3 aña di prueba. Durante e tempo di prueba, S. ta cay bou guia di Reclasing, caminda Reclasing lo bay guia S. pa e no comete e delito aki mas.

**AUMENTO DI BIENTO TA TRECE
MAS STOF
Y MAS KEHONAN
DI ALERGIA**



Proteha bo salud.
Tuma precaucion.



NISTERMENTO
FRECUENTE



WOWO IRITA
Y TA BASHA AWA



NANISHI
CERA



DIFICULTAD
PA HALA ROSEA

Bo Salud, nos prioridad.!

Parlamentario Xiomara Maduro: PUEBLO DI ARUBA MESTER SA E BERDAD TOCANTE HOFA



Gobernacion di Pueblo. Te ainda, AVP-FUTURO no ta ministernan no a duna transparente cu nos informacion completo ni

concreto riba e contenido y consecuencia di HOFA.

Prome Minister Mike Eman ta ausente den e discusion publico. Mientras Pueblo ta buscando splicacion, e ta pasa simannan na Hulanda cu un delegacion grandi promoviendo cu Aruba mester acepta HOFA, sin cu tin un dialogo honesto cu nos propio comunidad.

Minister di Finansa, Geoffrey Wever, ta reuni cu gremionan tras di porta cera y ta

papia solamente riba e aspecto financiero. Pero HOFA no ta solamente placa, e tin un impacto constitucional serio cu ta afecta directamente e autonomia di Aruba y nos derecho di tuma decisionnan propio.

Minister di Relacion den Reino, Gerlien Croes, tampoco no a tene conferencia di prensa ni reunionnan publico pa informa Pueblo tocante e implicacionnan real di HOFA. E mandatario ta uza Facebook pa ataca oposicion y comparti informacion selectivo

cu NO ta duna un bista completo di e situacion, y mayoria biaha ta informacionan eroneo. Pueblo di Aruba no por wordo pidi pa acepta algo asina importante sin transparencia, sin participacion y sin informacion honesto. Nos dignidad, autonomia y destino no por wordo cambia pa promesanan financiero so.

Bon gobernacion ta cuminsa cu transparencia, respet pa Pueblo y dialogo habri, y TUR esaki ta local precisamente falta awo.

MINISTER PLENIPOTENCIARIO HUNTO CU MINISTERIO DI ASUNTONAN EXTERIOR TA ORGANIZA UN SESION VIRTUAL RIBA CARERANAN INTERNACIONAL

ORANJESTAD - Minister Plenipotenciario na Washington D.C., sra. Zulema Dabian-Erasmus, ta tene un otro sesion virtual pa empodera estudiante y profesionalnan di Aruba. E sesion aki ta enfoca riba profesionalnan cu ta interesa den un carera den un organizacion internacional y regional, pero tambe na studiantenan cu ta den caba cu nan estudio y tin ambicionnan internacional. Hunto cu Ministerio di Asuntonan Exterior di Reino, e sesion virtual lo elabora riba oportunidadnan pa profesionalnan di nos isla traha na organizacionnan internacional y tambe lo

trata cual ta e trayecto cu mester encamina. Door di organiza esaki cu Minister Plenipotenciario di Corsou na Washington D.C., sr. Jerome Beeldsnijder, e sesion ta haya un contexto di Reino pa trece e informacion aki na profesionalnan den e parti di Caribe di Reino. E sesion lo tuma lugar diaranzon 3 juni 2026 pa 11.00 a.m. EST y 5.00 p.m. ora di Hulanda. Representacion di Arubianonan den organizacionnan internacional y regional, manera Nacionnan Uni, Banco Mundial of IMF, por ta beneficioso pa Aruba. E trabou ta forma e profesional na un nivel halto, su red

di contacto, su acceso na expertisio, su visibilidad y su conocimiento. Esaki e por duna bek na Aruba directamente ora e bin bek of indirectamente door di contribui cu mentorship, conocimiento, partnerships y contactonan. Ademas, door di tin Arubianonan presente den e espacio internacional, Aruba su visibilidad lo incrementa. Aunke e profesionalnan aki no necesariamente ta traha pa gobierno di Aruba, nos por ta sigur cu por vocifera di un banda e perspectiva y realidad di un isla manera Aruba. Di otro banda nos tin nos hendenan cu por comparti bek cu Aruba ta



na unda tin oportunidadnan beneficioso cu nos no ta wak di biaha. Nan ta nos 'eyes and ears' den diferente plataforma internacional. Hulanda pa medio di Ministerio di Asuntonan Exterior ta sostene profesionalnan Hulandes ya di hopi tempo pa tin representacion di Hulanda den plataforma internacional. Despues cu e Nationale Coordinator Internationale Functies (NCIF), sra. Anita Conijn, a hiba combersacion cu Minister Plenipotenciario, sra. Dabian-Erasmus riba e trabou di NCIF y cu e ta conta tambe pa profesionalnan di Dutch Caribbean, djey a surgi e idea pa trece e

informacion aki na nos profesionalnan y estudiante. Banda di e presentacion di Anita Conijn (NCIF), tambe lo tin un testimonio di Vanessa van Dijsseldonk, trahando actualmente pa gobierno di Corsou, riba su experiencia trahando den Nacionnan Uni. Ta invita tur estudiante y profesional pa participa na e sesion virtual, Empowering Dutch Caribbean Talent-Careers in International Organization, cu lo tuma luga diaranzon 3 juni 2026 pa 11.00 a.m. EST cu ta 5.00 p.m. ora di Hulanda. E link pa registra ta: <https://forms.gle/KL2PkeWSkLPEv56e9>

GOBIERNO CU AVISO OFICIAL RELACIONA CU MANEHO DI E-STEPS, E-BIKES Y E-SCOOTERS

Gobierno di Aruba ta tuma un paso importante pa fortalece cumplimiento di ley, seguridad den trafico y proteccion di usuario y peaton mediante un advertencia general dirigi na empresanan, propietario y otro personanan cu ta ofrece steps electrico, bicicleta electrico y scooter electrico pa uzo riba espacionan publico sin e permiso obligatorio segun ley.

Minister di Husticia, Integracion, Transporte Publico y Energia, mr. drs. Arthur Dowers, a indica cu innovacion y movilidad moderno tin nan lugha den nos sociedad, pero semper denter di e cuadro legal cu ta aplica pa tur operado y usuario.

Cumplimento cu ley no ta un opcion sino un obligacion. Ora ta ofrece actividadnan comercial na publico pa uzo riba caminda publico, e actividadnan mester cumpli cu e rekisitonan cu ta stipula den ley pa proteha seguridad, orden publico y interes general di comunidad.

Gobierno ta constata cu na Aruba ta ofrece vehiculonan electrico manera step electrico, bicicleta electrico y scooter electrico pa huur na publico pa uzo riba camindanan publico sin cu tin e permiso obligatorio cu ley ta exige pa e tipo di actividadnan comercial aki.

Minister Dowers ta considera cu stepnan electrico, bicicleta electrico y scooternan electrico ta cay bao e categoria di vehiculo di motor di huur (Landsverordening personenvervoer) ora cu nan:

- Ta verhuur contra pago (actividad comercial);
- Ta wordo ofreci sin

conductor;

- Ta uza esakinan riba of desde caminda publico;
- Ta move parcialmente of completamente door di motor (mecanicamente);
- No tin un caroceria cera.

Minister Dowers a enfatisa cu e asunto aki no ta solamente un cuestion di permiso, sino tambe di seguridad publico.

Un di e obhetivonan principal ta proteha usuario, peaton y otro usuario di caminda. Seguridad den trafico ta un responsabilidad comparti y mester ta acompaña pa cumplimiento di e normanan cu ta regula uzo di vehiculonan riba caminda publico.

Gobierno ta reconoce cu diferente forma nobo di transporte y movilidad ta sigui desaroya rapidamente. Precisamente pa e motibo ey, ta importante cu innovacion y actividad comercial desaroya den un forma ordena, responsable y conforme ley.

Den e contexto aki, autoridadnan competente ta ofrece un periodo di 14 dia calendario despues di publicacion oficial di e advertencia general pa personanan of empresanan involvi por tuma e medidanan necesario pa para e actividadnan cu no ta conforme ley of regularisa nan situacion segun e rekisitonan legal cu ta aplicabel.

Durante e periodo aki, autoridadnan competente ta sigui reforsa e control y coordinacion pa verifica cumplimiento di e leyman vigente y pa informa involucradonan tocante nan responsabilidadnan legal.




Minister Dowers a enfatisa cu Aruba tin un sistema di permiso cu ta existi pa proteha interes publico y pa garantisa cu ta haci actividadnan comercial riba espacionan publico di forma sigur, ordena y responsabel.

Gobierno ta reafirma su compromiso pa mantene un balansa entre innovacion, desaroyo economico y cumplimiento di ley. Na mes momento, autoridadnan competente lo sigui tuma accion den situacionnan unda cu por afecta seguridad publico, orden

publico of cumplimiento cu ley.

Gobierno ta haci un yamada na tur operador y personanan involvi pa coopera cu autoridadnan competente y tuma e medidanan necesario denter di e periodo indica. Cu colaboracion, responsabilidad y respet pa ley, Aruba por sigui fortalece su reputacion como un pais sigur, stabil y confiabel.

E aviso oficial ta publica den Landscourant (edicion 11 di aña 2026) y ta disponibel desde 29 di mei 2026 riba <https://www.gobierno.aw/nl/landscouranten>



ECONOMISTA CU A PREDICI GANADO DI ULTIMO TRES MUNDIALNAN TA PRONOSTICA CAMPEON PA 2026

"Nos ta bay mira un final entre dos ekipo cu nunca a gana un Mundial", Joachim Klement a sigura.

E analista financiero Aleman, Joachim Klement, a pronostica ken lo gana e Copa Mundial di FIFA 2026 mediante e aplicacion di un modelo matematico pa anticipa tur e resultadonan di e torneo. E prediccion aki a wordo presenta den un documento publica pa e compania di inversion Britanico Panmure Liberum, caminda e ta traha como chief strategist.

E sistema aki ta hala atencion masha hopi mes pasobra e tin un historial di precision absoluto. E mesun formula estadistico aki a determina caba structuralmente y di forma corecto e ganadonan di e ultimo tres edicionnan di e torneo: Alemania na 2014, Francia na 2018 y Argentina na 2022.

Pa e copa cu ta wordo organisa actualmente pa Merca, Mexico y Canada, e datonan di e modelo ta muestra cu Hulanda lo vence Portugal den e gran final. Ademas, e calculonan ta anticipa sorpresanan historico den e bueltanan di eliminacion directo, ya cu e ta proyecta cu e ekipo di Cristiano Ronaldo lo vence e campeon bishitante, e Argentina di Lionel Messi, den semifinal,



mientras cu Hapon lo laga Brasil pafo di e torneo.

"Nos ta bay mira un final entre dos ekiponan cu nunca a gana un Mundial. Pa nos ta sincero, ni un di e ekiponan aki no ta figura habitualmente entre e faboritonan pa e titulo. E prediccionnan actual di Polymarket ta pone e probabilidadnan di Portugal pa gana e trofeo na un 7% y esnan di Hulanda na un 3%", e experto a precisa.

Un chercha cu a sali bon sin kier Klement a desaroya e instrumento aki den su inicio como un chercha pa expone e arogancia di e

prediccionnan den e mundo di finansa. "El a bira un tradicion entre e banconan pa haci e pronosticonan aki pa demostra cu economistanan tin sentido di humor", el a comenta.

E intencion original tabata pa proba cu e formulanan economico ta faya ora ta aplica nan na eventonan aleatorio. Sinembargo, e instrumento a caba pa funciona perfectamente tres biaha consecutivo, loke a converti e proyecto den un rapport masha spera riba internet prome cu cada cita mundialista. Klement mes sa di e popularidad di su prediccionnan: "Cada cuater año

mi ta skribi un nota cu tin hopi mas lector cu cualkier otro cosa cu mi ta publica".

E modelo ta combina e rendimiento di e seleccionnan nacional cu otro variablenan y ta laga un espacio habri pa e suerte di cada pais. "Mi modelo ta inclui un factor di azar ora di determina e resultado di e partidonan entre cualkier dos ekipo. Si, un ekipo por tin hopi probabilidad di gana un otro, pero tin biaha sorpresanan ta bin, y mi modelo ta tene cuenta cu e efectonan aki", e experto a splica ora el a detaya su metodologia di trabou.

Parlamentario Eduard Pieters (PPA): “ENSEÑANSA TA UN INVERSION DEN FUTURO DI UN COMUNIDAD PROSPERO.”



Durante un reunion cu Dienst Inspectie van Onderwijs, parlamentario Eduard Pieters di fraccion di PPA a expresa un preocupacion creciente riba diferente señal alarmante den enseñansa na Aruba. Aunke e reunion tabata informativo y a enfoca riba plan di maneho, e peso laboral continuo y e reto adicional cu Dienst Inspectie tin cu e awor ‘Bureau Kinderopvang’ ta enorme. Dienst Inspectie for di 2009 ta cococha pa atende cu su responsabilidad manera mester ta. E inspectornan kier haci nan trabou, pero nan no tin suficiente recurso pa logra esaki. Dienst Inspectie ta sigui haya mas responsabilidad sin sosten adecua di gobiernonan pa nan vigila calidad di enseñansa na Aruba. Segun Pieters, e realidad den nos enseñansa a muestra cu Aruba no por sigui laga e problematica educativo acumula sin accion serio.

32% graduacion: “Esaki no por bira normal”

Un di e puntanan cu mas a preocupa PPA ta e situacion na Colegio Nigel Matthew, unda diferente mayor a expresa nan preocupacion riba e porcentahe di graduacion, cu ta solamente rond di 32%.

Segun Pieters, e preocupacion no ta solamente e cifra, pero tambe e sentimento creciente entre e mayornan, unda cu e sistema di evaluacion no ta refleha realmente e capacidad di e muchanan. “Mayornan ta sinti cu e muchanan ta wordo evalua riba un forma demasiado limita, specialmente den e kernvakken manera Hulandes, Ingles y Wiskunde, ya cu p.e. ta dos momento di evaluacion so ta determina si un mucha ta bay over of no,” Pieters a splica.

Pero loke mas a preocupa PPA tabata e miedo cu e mayornan ta sinti pa expresa nan preocupacionnan oficialmente.

“Mayor no mester tin miedo pa papia” Segun Pieters, diferente mayor a expresa cu nan tin temor di represaya contra nan yiunan si nan sigui insisti riba e problematicanan na scol.

“Esaki sigur ta algo hopi serio,” Pieters a enfatisa. “Ora un mayor tin miedo pa defende interes di su yiu, nos tin cu puntra nos mes, unda nos sistema educativo ta bayendo.” Aunke Pieters a anima e mayornan pa sigui e caminda oficial y hiba nan preocupacion directamente na scol, el a bisa cu no por ignora e señal aki.

Nos mester bolbe kere den nos muchanan. Pa fraccion di PPA, e debate no por keda solamente riba porcentahe of resultado. Pieters a enfatisa cu e discusion mester bay hopi mas profundo: cultura educativo di calidad y e forma con nos ta mira nos muchanan y maestronan. “Nos ta kere den ‘teacher collective efficacy,’” Pieters a declara. “E maestronan mester kere cu nan por haci diferencia. E maestronan mester por kere cu hunto nan por haci un diferencia. Paso si nos cuminsa hinca den nos cabeas cu e muchanan di p.e. San Nicolas no por, of cu e muchanan di ‘langere traject’ no por, nos mes ta limitando nan futuro y nos mantene e fenomeno di “self-fulfilling prophecy” y como resultado: berdad e muchanan lo sigui malo den nan estudio.”

Segun Pieters, e ambiente den scol mester ta uno



“safe”/sigur, positivo y motivante, tanto pa maestro como estudiante. Scol mester ta un lugar, unda e HENDE ta sinti cu nan por crece y progresa.

E maestronan ta cansa y Aruba no por sigui ignora esey

Pieters a pone enfasis tambe riba bienestar di maestro, indicando cu tin diferente investigacion empirico y señal den veld educativo, cu ta muestra cu hopi maestro ta cansa, fada, desmotiva y sintiendo falta di sosten total di tur gobierno. “Nos ta pidi hopi di nos maestronan sin percura pa e recursonan necesario pa nan haci nan vocacion,” el a bisa. “Nan ta traha cu alma y cuerpo pa nos muchanan. Pero si nos no cuida nan, eventualmente e sistema lo kibra.” Segun PPA, inversion den calidad di enseñansa no ta solamente traha edificio, cumpra material,

organisa caminata y hisa salario, pero mester ta principalmente den inversion di e ser humano mes y den un forma integral.

“Un maestro cu ta sinti sosteni y balorisa, ta transmiti esaki naturalmente na e mucha,” Pieters a enfatisa.

Enseñansa no ta un gasto, ta inversion den futuro di Aruba

Den su conclusion, Pieters a manda un mensahe cla, cu Aruba no por sigui trata enseñansa como un asunto secundario. “Calidad di enseñansa no ta nace accidentalmente,” el a conclui. “E ta nace ora bo inverti den crecemento y bienestar di bo maestronan, ora bo scucha bo mayornan, ora bo crea un ambiente sigur pa mucha y maestro y ora bo kere realmente cu tur mucha na Aruba tin potencial pa logra exito.”

Parlamentario di AVP, Ing. Carlos Bermudez

PREGUNTA NA GOBIERNO ENCUANTO REAPERTURA DI FRONTERA CU VENEZUELA

ORANJESTAD (29 juni 2026) – Recientemente, Parlamentario Carlos Bermudez di fraccion AVP a tuma nota di declaracionnan publico di diferente mandatario tocante un posibel reapertura di e frontera cu Venezuela. Alabes Bermudez a indica cu varios ciudadano a acerca su persona buscando mas informacion y claridad tocante e tema aki. Esaki ta precisamente e motibo cu Bermudez a presenta un serie di pregunta por escrito na Minister President, mr. Mike Eman.

E frontera cu Venezuela ta cera desde aña 2019.

Un posibel reapertura ta un asunto complejo cu lo mester tene cuenta cu e situacion geopolitico, di seguridad y economico. Ademá, un decision di e magnitud aki no ta depende solamente di Aruba y Venezuela, sino cu mester tene cuenta tambe cu posicion y consideracionnan di Hulanda.

Pa crea mas claridad riba e tema aki, Parlamentario Bermudez a presenta seis (6) pregunta na Minister President mr. Mike Eman:

1. Gobierno di Aruba a tene reunion(nan) cu mandatario, instancia of autoridad relevante

di Venezuela y Hulanda tocante un posibel reapertura di e frontera? Si e contestata afirmativo, cua instancia a participa y cual ta e resultado(nan) principal di e reunion(nan)?

2. Tin plannan concreto actualmente pa cu e reapertura di e frontera cu Venezuela?

3. Si tin plannan concreto, minister por indica cua fecha ta contempla pa e reapertura, of cua ta e fecha cu lo tuma decision definitivo riba e asunto?

4. Cual condicion of requisitonan ta mara na un posibel reapertura di e frontera?

5. E reapertura lo



aplica tanto pa trafico aereo como pa trafico maritimo?

6. Cua tabata, of cua ainda ta, e principal obstaculonan pa e reapertura di e frontera, considerando cu Corsou a habri su frontera cu Venezuela algun aña atras

caba?

Finalmente, Bermudez ta enfatisa cu cualkier reapertura di frontera mester tuma lugar di un forma responsabel, bon prepara y cu e garantianan necesario pa cu seguridad y bienestar di Aruba.

MINISTER GERLIEN CROES TA FORTALECE COLABORACION CU NHL STENDEN UNIVERISTY DI HULANDA PA AMPLIA OPORTUNIDADNAN DI ESTUDIO PA ARUBA

ORANJESTAD, 29 di mei 2026 – Como parti di su agenda oficial na Hulanda, Minister di Relacionnan den Reino, Educacion, Hubentud, Innovacion y Deporte, sra. mr. Gerlien Croes, a continua e dialogo cu NHL Stenden University of Applied Sciences, despues di un encuentro inicial cu e institucion algun siman atras na Aruba.

Durante e reunion na Hulanda, Minister Gerlien Croes hunto cu representantenan di NHL Stenden a dialoga riba diferente topiconan di interes riba area di Educacion Superior, cu enfoca riba ampliacion di oportunidadnan academico pa studiantenan di Aruba. Entre e punto nan trata tabata posibilidadnan pa amplia ofertanan di estudio riba nivel di minors, inventarisacion di estudionan nobo cu por wordo introduci na Aruba, y con pa sigui fortalece colaboracion estrecho cu Universidad di Aruba y otro institucionan

educacional local.

Un momento special durante e bishita tabata e encuentro cu studiantenan Arubiano Andrew y Camron, kendenan actualmente ta sigui nan estudio na NHL Stenden. Minister Gerlien Croes a expresa su orguyo den nan desaroyo academico y a enfatisa e importancia di continua na crea oportunidadnan pa mas hobennan Arubiano por sigui educacion di calidad tanto local como internacional.

NHL Stenden ta conoci pa su enfoca innovador basa riba Design Thinking, un modelo educativo cu ta pone enfasis riba solucion creativo, colaboracion y siñamento practico—elementonan esencial pa prepara studiantenan pa e demanda di mercado laboral moderno.

“Nos ta continua na inverti den colaboracionnan strategico cu institucionnan internacional pa asina amplia e cantidad di oportunidadnan pa



nos studiantenan. Educacion ta e base di desaroyo sostenibel di nos pais, y hunto nos por crea camindanan nobo pa futuro di nos hobennan”, Minister Gerlien Croes a enfatisa. Cu e dialogonan aki, Gobierno di Aruba ta reafirma su compromiso pa fortalece sector educativo, stimula innovacion y amplia acceso na educacion superior di calidad pa tur ciudadano.

PROME MINISTER MIKE EMAN TA CONECTA CU E SIGUIENTE GENERACION DI PROFESIONALNAN ARUBIANO NA HULANDA



Mas di 30 estudiante y hoben profesional Arubiano a participa den un encuentro special cu Prome Minister mr. Mike Eman na De Haagse Hogeschool na Den Haag. Durante e anochi, a intercambia pensamiento riba futuro di Aruba, e papel di hobenan den desaroyo di nos pais y diferente iniciativa cu Gobierno di Aruba ta desaroyando pa fortalece e conexion entre Aruba y talento Arubiano na exterior. E encuentro tabata caracteriza pa un ambiente ameno, interactivo y constructivo, caminda studiantenan a haya oportunidad pa comparti nan preocupacionnan, ambicionnan y vision tocante nan futuro profesional.

Brian Koolman, estudiante di Tourism Management na NHL Stenden, a describi e encuentro como "hopi interesante, interactivo y hasta humoristico."



Segun dje, e forma habri cu Prome Minister Mike Eman a comunica cu e studiantenan a haci e sesion sinti accesibel y relevante. Koolman a enfatisa cu e dialogo no solamente a trata e oportunidadnan, pero tambe e retonan cu hopi hoben ta enfrenta ora nan kier regresa Aruba despues di studia na Hulanda.

Tambe Nathan Perez, estudiante di Management & Organization na De Haagse Hogeschool, a expresa su aprecio p'e iniciativa. Perez a indica cu

e encuentro a resulta hopi informativo y motivador pa studiantenan cu ainda ta considera nan futuro entre Hulanda y Aruba. Segun dje, e hecho cu Gobierno di Aruba ta presenta iniciativa concreto pa facilita e regreso di hoben profesionalnan ta contribui na crea mas confianza pa considera un futuro na Aruba.

Durante e encuentro, tambe a dialoga riba diferente proyecto strategico y oportunidadnan pa desaroya un economia di conocimiento na Aruba, incluyendo cooperacion cu

institucionnan educativo y oportunidadnan pa innovacion, investigacion y crecimiento profesional. Gobierno di Aruba ta considera e dialogo continuo cu e hobenan Arubiano na exterior como un paso importante pa fortalece e conexion cu e siguiente generacion di nos lidernan y profesionalnan cu lo contribui na futuro di Aruba.

Clasificados



SOLODIPUEBLO@GMAIL.COM
 CEL. 585 9500



PROME MINISTER MIKE EMAN TA CONSOLIDA COOPERACION PA PRECLEARANCE EUROPEO CU ROYAL SCHIPHOL GROUP

Durante un reunion strategico na Hulanda, Prome Minister mr. Mike Eman, hunto cu Minister Plenipotenciario mr. Mildred Schwengle, a reuni cu CEO di Royal Schiphol Group (RSG), mr. Pieter van Oord. Durante e encuentro, ambos partidonan a reafirma e fuerte relacion institucional cu ta existi entre Aruba y Schiphol. Tambe a dialoga riba e oportunidadnan pa amplia e cooperacion den futuro, y delinea un grupo di maneho pa guia e proceso di introduci un preclearance Europeo entre Aruba y Hulanda.

Prome Minister Mike Eman a enfatisa cu pa Gobierno di Aruba tabata di gran importancia pa restablece y fortalece e relacion cu Schiphol despues di periodonan dificil den gobierno anterior. "Nos ta hopi contento cu durante entrada di nos den gobierno nos por a restablece e contactonan y garantiza e continuidad di e relacion entre Aeropuerto di Aruba cu Schiphol. Pa nos e relacion aki ta sumamente importante," Prome Minister Mike Eman a expresa. Segun e Prome Minister, Schiphol ta hunga un rol importante den e expansion di mas cu 400 miyon dolar cu ta tuma lugar na Aeropuerto Internacional Reina Beatrix. "Pa un proyecto di e grandura ey, ta hopi importante pa tin



conocemento local pero tambe internacional. E contribucion y experiencia di Schiphol riba maneho di aeropuerto ta sumamente valioso pa Aruba," Eman a declara. Un tema central durante e reunion tabata e iniciativa pa investiga e posibilidad di implementa preclearance Europeo entre Aruba y Hulanda. Segun Gobierno di Aruba, Schiphol ta un socio strategico den e dialogo cu Hulanda y Bruselas tocante e tema aki. "Schiphol ta partner di nos den yuda busca e posibilidadnan pa EU preclearance. Nos a traha duro den Hulanda y na

Bruselas, y nos ta contento cu Schiphol ta dispuesto pa colabora como partner den e proceso aki," Eman a bisa.

Di su banda, Pieter van Oord a confirma cu Royal Schiphol Group ta mira e cooperacion cu Aruba como un relacion fuerte cu potencial pa sigui crece den futuro. "Relacion entre Schiphol, Gobierno di Aruba y Aeropuerto Internacional Reina Beatrix ta excelente. Esaki ta di dos encuentro cu Prome Minister Mike Eman y nos ta aprecia e bon cooperacion cu Aruba," Van Oord a expresa. Segun Van Oord,

Schiphol tambe ta mira bentaha den e concepto di preclearance, pasobra esaki por yuda crea mas capacidad operacional na Schiphol. "E traslado di control di aduana y migracion for di Schiphol pa Aruba por crea mas espacio operacional na Schiphol y esaki lo ta den beneficio di ambos aeropuerto," e CEO di Schiphol a explica. Royal Schiphol Group hunto cu Gobierno di Aruba y KLM recientemente a firma un Memorandum of Understanding (MoU) pa sigui explora e iniciativa di un EU preclearance. Gobierno di Aruba ta

considera e cooperacion cu Schiphol como un paso importante den e vision pa fortalece conectividad internacional, innovacion aeroportuario y posicion strategico di Aruba como hub den region.





E CARTA FANTASMA A YEGA

E carta fantasma porfin a yega
 Tur floria manera nos a spera, cu nan datonan
 Exagera y hopi ripiticion
 Ta fey cuminsamento nan a shoemel cu fecha y
 informacion
 Nan no por a contesta un simpel pregunta :
 Di kon niun dokter a bin wak e patient di 89 anyu?
 Hasta bruhami cu mi a menciona 87 den mi reaccion bek
 pa nan
 Uffffff, ki berguenza pa tin hendenan profesional den
 hospital di Aruba cu ta ganya
 Pero nan cosecha sembra dor di nan mes nan lo hanya
 Podise prensa publica e 8 paginanan of parti di nan
 Hunto cu mi reaccion cortiko pa informa prohimo ruman
 Lady Ruth a vocifera pa nos grandinan cu amor
 Ta keda den mannan di Tata Dios awor
 Ta keda na cada consenshi
 Na cada alma
 Na cada curason
 Pa pordona nan mes y sigi hasi bon
 Ta ser bisa cu lo no bin mucho cambio
 Ta nan zhyilea pa trose palabra na nan fabor
 Kiko awor ?
 Promesanan fofu
 Promesanan inventa?
 Te ki dia e asunto fantasma aki tin cu continua?
 Pa nos gobiernantenan
 realisa nos prioridadnan den y pa pueblo su bienestar su
 salud ?
 Nos tur tin cu muri un dia
 Pero no pusha den morto
 Dokter NO ta Dios
 Anto no limita bida di nos grandinan,
 Ta nan ta historia den gloria
 Ta nan ta nos herencia
 Di tradishon, norma y balor
 Duna nos grandinan bon cuidu, atencion, tempo y amor.
 Duna nos grandinan amor.
 Duna nan amor.
 Cu un braza di Ruthy Lady Ruth...

NO DRENTA DEN ORGANISACION DEMONIC CULT

Nan ta haci huramento den nan iniciacion ritual, Bijbel Mateo 5: 34-36: "Ma Ami ta bisa boso, pa no hura mes pa ningun motibo. Ni pa Cielo, pasobra Cielo ta Trono di Dios, ni pa tera, pasobra tera ta banki di Su pianan, ni pa Herusalem, pasobra esaki ta e stad di E Rey Grandi. Tampoko no hura pa bo cabes, pasobra bo no por haci ningun draachi di bo cabe preto of blanco." Bijbel Corinthionan 6: 14-18: "No uni boso mes cu hendenan cu no ta creyente. Kiko Santidad tin di haci cu maldad? Kiko lus tin di haci cu scuridat? No por tin harmonia entre Cristo y satanas. Kiko un creyente tin di comun cu un incredulo?" Nan ta rechasa e unico berdad di Dios Tata, Bijbel Romanonan 1: 21: "Pasobra ainda cu nan tabata conoce Dios, nan no a muestra Dios es honor y gratitud cu E merece. Nan a bai entrega nan mes den speculacionnan bano y nan spirito cu a nenga di compronde, a bira henteramente scur." Nan ta nenga cu Cristo-Hesus ta Senyor y Salvador y nan ta promove good works, charity, based on salvation, Bijbel Huan 14: 6: "Hesus ta contesta: Ami ta E caminda, berdad y bida. Ningun hende no ta jega cerca Tata, si no pa medio di Mi." Bijbel Efesionan 2: 8: "Pasobra boso ta salba pa medio di gracia di Dios, pa medio di fe den Cristo. Anto boso no ta haya salvacion pa medio di boso mes esfuerso (of meritonan), ma e ta un regalo di Dios." Bijbel Huan 12: 48: "Pasobra esun cu ta rechasa Mi y no ta acepta Mi palabranan, e tin algo cu ta conden'e, e palabra cu Mi a papia, lo conden'e na e ultimo dia." Nan ta ignora e Bijbel di Dios y nan ta compara e Bijbel mescos cu nan textonan pagano, Bijbel 2 Timoteo 3: 16-17: "Tur loke ta para scirbi den Escritura, a keda inspira pa Dios y ta util pa instrui, defende, coregi y pa educa hende pa husticia, pa un hende di Dios sea perfecto." Nan ta promove doctrinanan di diosnan pagano, Bijbel 1 Corinthionan 10: 20-21: "Ma loke e paganonan ta ofrece, nan ta ofrece na e demonionan y no na Dios. Mi no kier pa boso drencia den communion cu e demonionan. Boso no por bebe for di e copa di Senyor y tambe for di e copa di demonionan. Boso no por participa na mesa di Senyor y tambe na mesa di e demonionan." Nan ta nenga



di menciona e nomber di Hesus den nan asamblea, Bijbel Philipensenan 2: 10-11: "Pa cu den nomber di Hesus tur rudia lo dobla, di habitantenan Celestial, habitantenan terenal y spiritonan infernal y tur lenga lo profesa na honor di Dios, cu Cristo-Hesus ta Senyor." Bijbel Echonnan 4: 12: "Den Cristo-Hesus so por haya salvacion, riba mundo no tin ningun otro nomber duna na hende, cu por salba nos." Nan ta promove idolatria y nan ta adora diosnan pagano, Bijbel Exodo 20: 3: "No adora ningun diosnan cu no ta Ami." Bijbel 1 Huan 5: 21: "Yiunan, aleha boso mes for di e diosnan falso." Tambe di e diosnan falso di e antiguo Egipto, cu trapinan di piramide pa jega nan destino final den fierno. Nan ta haci pactonan satanico, osea nan ta firma contract cu nan sanger y nan ta wordo marka riba nan man of riba nan frenta cu e number di e bestia y tambe e micro-chip cu e marka di e bestia ta wordo implanta den nan man, Bijbel Apocalipsis 14: 9-11: "E di tres Angel a sclama na bos halto: Kende cu adora e bestia y su imagen y laga pone e marka riba su frenta of su man, esun ey lo bebe di e binja di Dios Su rabia, cu ta prepara puro den copa di Su ira y lo e keda tormenta cu candela y zwavel dilanti di Angelnan, Santonan y di E Lamchi. Y huma di nan tormento ta subi bai halto den siglonan di siglonan. Ni di dia, ni anochi nan no tin sosiego na esnan cu ta adora e bestia y su imagen y kende cu ta acepta e marka di su nomber." Bijbel Mateo 10: 28: "No tene miedo di esnan cu por mata curpa, pero no alma, mas bien tene miedo di Dios cu por tira e alma y e curpa den fierno."

Un mensahero di Dios
 Seferino Tromp
 Koyari 13-D Cell. 5931157 / 5870048
 ID. 57.11.22.40
 E-mail: etajuni@yahoo.com

SOPI DI LETRANAN

Z T K L Z C P H A M O R B P P E L J
 Z B L N B F T S O G K T E W C C J K
 E Z V A M P I R O G O H D X A Y N X
 D B H B M K I L D L U U J O L W U O
 N Q T R A T O Z L D L E O P A A X A
 E Y I Z M S Q X A C X L R D B S Z E
 U H E R I U C R E R E V E A A O L M
 D D F N E C H X B M F M A I Z Ñ J C
 F C A B R U J A A R O S O G A I O A
 A N O C H E F R L N O T I G K N R M
 N C T S R R A I I L R D E D I M G Á
 T K Z B E C B O E U O C E M V A E S
 A R O R R E T D C S M W H I F L N C
 S V M T U Q V O O J T W E X M E O A
 M I T O C T U B R E O A L E L V T R
 A U V Q U T I R Í P S E I L N J A A
 R A L L I D A S E P U E F Q F G G K

BROMA
 BRUJA
 CALABAZA
 CARAMELO
 DEMONIO
 DISFRAZ
 DUENDE
 DULCE
 ESPÍRITU
 FANTASMA
 FIESTA
 GATONEGRO
 GOLOSINA
 HALLOWEEN
 HOGUERA
 MÁSCARA
 MIEDO
 NIÑOS
 NOCHE
 OCTUBRE
 PESADILLA
 TERROR
 TRATO
 TRUCO
 VAMPIRO
 VELA

SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
9						4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

Oracion di dia

Un dia fructifero colma cu gracia na abundancia

El a contesta: 'Hipocritanan, profeta Isaías a describi boso bon bon ora cu el a bisa, manera ta skirbi: E pueblo aki, Dios ta bisa, ta alaba Mi cu nan boca so, ma den nan curason nan ta leu fo'i Mi. (Marco 7,6)

Locual ta molestia Hesus ta e hipocresia, e hipocrita ta fingi desconoce algo of fingi di ta inocente. Si tin buraco den e ley e lo uze p'asina hustifica locual e ta haci pa su cumbinencia. Esaki ta un blasfemia paso Dios bo no por gaña pero ta fingi desconoce of simplemente no ta worry. E di ocho mandamento ta bisa pa hende no lanta falso testimonio ni tampoco gaña. Nos por puntra nos mes si na tur momento nos ta consciente di esaki y nos ta haci esaki. Hopi biaha nos ta faya, haci redo of lanta falso testimonio riba otro hende, p'esaki nos lo mester reflexiona y pidi pordon, confesion ta importante pa nos haci, p'asina cambia nos bida y pa sigui biba un bida corecto den fe y cu un curason limpi di pica y di tur mal pensamento p'asina nos no ta hipocrita y sigui riba caminda di Dios.

Oracion: Señor Hesus, duna nos e gracia di por compronde bo palabra y laga nos no wak e splinter den e wowo di otro mas bien yuda nos mira e biga den nos mes wowo. P'asina nos no gaña ni biba mane hipocritanan. Pa e motibo aki nos ta acudi na Señor, yuda nos cura nos mal accionnan cu ta aleha nos di e amor di Dios.

Amen

HEFENAN DI POLIS DEN CARIBE A SKOHE HEFE DI POLIS CARL JOHN KOMO PRESIDENTE NOBO DI ACCP

PARAMARIBO – Hefe di polis Carl John di Sint Maarten a ser skohe komo presidente di ACCP. Esaki a tuma lugá durante di 40th Annual General Meeting and Conference di Association of Caribbean Commissioners of Police (ACCP), cual a tuma lugá di 11 te cu 15 di mei 2026 na Royal Torarica Hotel na Paramaribo, Surnam. Hefe di polis John tabata prome vice-presidente di e organisacion for di 2025 i awor e ta sigui e presidente saliente.

E elekshon di hefe di polis John komo presidente di ACCP ta fortalece aun mas e posicion di e parti Caribe di Reino Hulandes den e estructura regional di polis i seguridat. Komo presidente, e lo hunga un papel importante den cooperacion entre e cuerponan di polis den e region i den desaroyo di iniciativanan di seguridat conjunto.

Pa hefe di polis John, e elekshon a yega completamente inesperadamente. Den ACCP, kandidatnan no por nominá nan mes. Kandidatnan ta ser proponé for di e grupo. E elekshon ta demonstra e confiansa cu e region tin den su persona. ACCP ta e organisacion di cooperacion di hefenan di polis den Caribe desde 1987 i ta reuni mas cu binti pais i teritorio. E tema di e conferencia e aña aki tabata: "Organized Crime: Implications for Regional Development".

Durante e conferencia, e



influensia di criminalidat organisá riba seguridat, economia i desaroyo sosial tabata sentral. A papia ampliamente riba e manera con violencia cu arma di kandela, trafico di droga, contrabanda, cybercrime i rednan criminal organisá ta bira cada biaha mas entrelasá den e region. Intelligence, tecnologia i A.I. tambe tabata parti di e programa. Tur kuater hefenan di polis den e parti Caribe di Reino Hulandes a participa na e conferencia. E Colegio di Hefenan di Polis a duna varios presentacion.

Un di e presentacionnan tabata tokante "The Role of Crime Analysts in Assisting Law Enforcement in Combatting Crime in the Region". Durante e presentacion a papia tokante e rol creciente di intelligence i analisis den trabou di polis. Analistanan ta kontribuí na hasi rednan criminal, rutanen di arma i relacionnan transfronteriso mas visibel. Tambe a wordo splica con violencia cu arma di kandela, criminalidat di droga i gangs ta bira cada biaha mas entrelasá i pakiko intercambio regional di informacion i analisis conjunto ta nesario.

Ademas a presenta informacion tokante e Regional Network Meeting for Analysts (RNA) i e di kuater edicion di e reunion aki. RNA a bira den e añanan recien un plataforma regional unda analistanan di Caribe ta comparti conocimiento i cooperá riba asunto di seguridat regional. Durante e presentacion a anuncia cu e di cuater edicion di RNA probablemente lo tuma lugá di 24 te 26 di november 2026 na Medellín, Colombia. E tema lo ta: "Guns-Drugs-Gangs Nexus & Innovation".

Tambe a presenta e proyekto "Fortalecimiento di resiliencia di polisnan den region Caribe", cu ta wordo desaroyá huntu cu EL PAcCTO 2.0. EL PAcCTO 2.0 ta un programa di cooperacion i fortalecimiento di kapasidat di Union Europeo cu Latinoamerica i Caribe, dirigí na fortalecimiento di institucionnan di hustisia i seguridat i combate contra criminalidat organisá transfronteriso. Den e periodo cu ta bin, lo tuma lugá un inventarisacion regional di iniciativanan i nesidatnan existente den e kuerponan di polis den Caribe.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - May 29, 2026	
CATOCCHI Sorteo # 4988 9998 4103 4303	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12.00	Joker Letter Proximo Jackpot 380.000,-	
		LOTTO DIA Sorteo # 0 x Jackpot 0 x Match 4 0 x Afl. 8.00	
		Proximo Jackpot 53.000,-	
		MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00	
ZODIAC Sorteo # 4988 5885 Libra	LUCKY 3 Sorteo # 1862 371 X2	MEGA Afl. 380.000,-	
		KORSOU Sorteo # 	

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - May 29, 2026	
CATOCCHI Sorteo # 8858 1462 0953 9964	LOTTO 5 Sorteo # 2700 0 x Jackpot 0 x Match 4+ 0 x Match 4 0 x Afl. 12.00	Joker Letter Proximo Jackpot 380.000,-	
		LOTTO DIA Sorteo # 7193 0 x Jackpot 4 x Match 4 150 x Afl. 8.00	
		Proximo Jackpot 53.000,-	
		MEGA Sorteo # 0 x Jackpot 0 x match 4 0 x Afl. 500.00 0 x Afl. 50.00 0 x Afl. 15.00	
ZODIAC Sorteo # 2607 2137	LUCKY 3 Sorteo # 1591 213 FP	MEGA Afl. 380.000,-	
		KORSOU Sorteo # 	